

Bosna i Hercegovina  
Federacija Bosne i Hercegovine  
Kanton Sarajevo  
Općina Hadžići  
**OPĆINSKI NAČELNIK**



Bosnia and Herzegovina  
Federation of Bosnia and Herzegovina  
Sarajevo Canton  
Municipality of Hadžići  
**MUNICIPALITY MAYOR**

Na osnovu člana 15. Zakona o principima lokalne samouprave („Službene novine Federacije BiH“ broj 49/06 i 51/09), člana 38. i člana 118. Statuta Općine Hadžići („Službene novine Kantona Sarajevo“, broj: 15/09, 17/12, 10/13, 14/13-ispravka, 11/18 i 1/20) i Odluke o izvršavanju budžeta za tekuću godinu, Općinski načelnik donosi:

## **PRAVILNIK O NAČINU I POSTUPKU DODJELE JEDNOKRATNE NOVČANE POMOĆI LICIMA U STANJU SOCIJALNE POTREBE**

### **Član 1.**

Ovim Pravilnikom utvrđuju se uslovi, korisnici prava, način i postupak ostvarivanja prava na dodjelu jednokratne novčane pomoći, koja se dodjeljuje licima u stanju socijalne potrebe na području Općine Hadžići.

Prava iz stava 1. ovog člana ostvaruju se u skladu sa ovim Pravilnikom, kao i planiranim i raspoloživim sredstvima u budžetu Općine Hadžići.

### **Član 2.**

Pravo na jednokratnu novčanu pomoć, u skladu sa ovim Pravilnikom mogu ostvariti lica ili članovi njihove porodice u slučajevima kada ne postoji mogućnost da po nekom drugom osnovu ili propisu ostvare to pravo, ili kada je potrebno, na principu solidarnosti, pomoći u zaštiti života ili zdravlja licima koja se nalaze u stanju socijalne potrebe, a njihove materijalne i druge prilike ne mogu obezbjediti prevazilaženje trenutne situacije u kojoj su se zatekli.

### **Član 3.**

Licima u stanju socijalne potrebe u smislu člana 1. ovog Pravilnika, smatra se trajno ili privremeno stanje u kojem je građaninu ili njegovoj porodici neophodna pomoć društvene zajednice, da bi savladao trenutne vlastite materijalne prilike, a koje ugrožavaju minimalne standarde življenja, kada na osnovu svojih materijalnih mogućnosti ne mogu obezbjediti zaštitu ugroženog života ili zdravlja, odnosno kada im je usljed teške materijalne situacije potrebna novčana pomoć.

### **Član 4.**

Jednokratna novčana pomoć može se odobriti u maksimalnom iznosu do 200,00 KM po jednom zahtjevu.

Izuzetno, može se odobriti iznos veći od 200,00 KM u slučaju izuzetno teške materijalne situacije.

## Član 5.

Jednokratna novčana pomoć može se odobriti licima koja imaju prebivalište najmanje jednu godinu dana na području Općine Hadžići i koja su se usljed različitih društvenih i prirodnih okolnosti ili vanrednih prilika zadesila u stanju socijalne potrebe.

Izuzetno, od prethodnog stava ovog člana, Općinski načelnik može dodjeliti jednokratnu pomoć i licima koja imaju prebivalište na području druge općine ukoliko se dokaže stanje iz člana 3. ovog Pravilnika.

## Član 6.

Dodjela jednokratne novčane pomoći u smislu odredbi ovog Pravilnika vrši se na osnovu pismenog zahtjeva lica u stanju socijalne potrebe ili člana njegove uže porodice, uz koji je potrebno priložiti:

- a) Ovjerena kopija lične karte i uvjerenje o kretanju,
- b) Dokaz o primanjima (da je na evidenciji BIRO-a za zapošljavanje, uvjerenje da nema primanja, ček od penzije),
- c) Kućnu listu,
- d) Potvrda o otvorenom transakcijskom računu,
- e) Druge relevantne dokaze sa kojima raspolaže podnosilac zahtjeva.

Zahtjev iz prethodnog stava sa potrebnom dokumentacijom, podnosi se putem protokola općinskoj Službi za boračko-invalidsku, socijalnu i zdravstvenu zaštitu, izbjegla i raseljena lica (u daljem tekstu: Služba), na propisanom obrascu koji je sastavni dio ovog pravilnika.

## Član 7.

Po zahtjevu za dodjelu jednokratne novčane pomoći licima u stanju socijalne potrebe odlučuje Općinski načelnik zaključkom, na prijedlog Komisije za dodjelu jednokratne novčane pomoći licima u stanju socijalne potrebe (u daljem tekstu: Komisija), u skladu sa odredbama ovog Pravilnika.

Komisija ima pravo i obavezu da po službenoj dužnosti, tamo gdje je potrebno i moguće, pribavi isprave i dokaze o činjenicama i okolnostima od značaja za odlučivanje o osnovanosti zahtjeva za odobrenje pomoći prema uslovima predviđenim ovim Pravilnikom.

Izuzetno od predhodnog stava ovog člana, odluku o dodjeli jednokratne novčane pomoći licima u stanju socijalne potrebe može donijeti Općinski načelnik bez mišljenja Komisije.

## Član 8.

Komisiju iz člana 7. ovog Pravilnika, imenuje Općinski načelnik.

Komisija se sastoji od predsjednika i 2 člana, iz reda uposlenika Jedinstvenog organa uprave pćine Hadžići o čemu će se donijeti posebno rješenje.

## Član 9.

Komisija razmatra prispjele zahtjeve i priložene isprave i dokaze radi provjere ispunjenosti uslova iz člana 6. ovog Pravilnika.

Ako na osnovu utvrđenih činjenica, povodom podnesenog zahtjeva, komisija utvrdi da nema osnova za odobrenje jednokratne novčane pomoći, predlaže da se takav zahtjev odbije kao



neosnovan.

U slučaju da zahtjev ne ispunjava uslove za dodjelu jednokratne novčane pomoći ili ne sadrži potrebnu dokumentaciju iz člana 6. ovog Pravilnika, Služba pismeno obavještava podnosioca zahtjeva o odbijanju istog.

Komisija je ovlaštena da u slučaju potrebe može vršiti sve vrste provjera priloženih dokaza na kojima lice zasniva opravdanost svog zahtjeva.

#### Član 10.

Nakon razmatranja zahtjeva Komisija izvještaj i prijedlog, putem nadležne općinske Službe, dostavlja Općinskom načelniku, koji zaključkom odlučuje o odobravanju jednokratne novčane pomoći za ove namjene.

Isplatu odobrenih finansijskih sredstava za JNP licima u stanju socijalne potrebe, na osnovu zaključka Općinskog načelnika, vrši općinska Služba za privredu i finansije putem tekućeg računa podnosioca zahtjeva ili člana uže porodice.

#### Član 11.

Ovaj Pravilnik stupa na snagu danom donošenja i bit će objavljen na oglasnoj ploči i web stranici Općine Hadžići, a primjenjivat će se od 01.01.2025.godine.

Broj:02-11-3-2333/25

Hadžići, 20.02.2025. godine

